

**ԵՂՆ ԻԶԵՎԱՆԻ ՄՄՆԱՃՅՈՒՂՈՒՄ ՍՏԱՑԱԾ ԿՐԹՈՒԹՅՈՒՆԻՑ
ՇՐՋԱՆԱՎԱՐՏՆԵՐԻ ԲԱՎԱՐԱՐՎԱԾՈՒԹՅԱՆ ՎԵՐԱԲԵՐՅԱԼ
ՀԱՐՑՄԱՆ ԱՐԴՅՈՒՆՔՆԵՐԻ (2020-21 ՈՒՍՏԱՐԻ)
ՎԵՐԼՈՒԾՈՒԹՅՈՒՆ**

«Երևանի պետական համալսարան» հիմնադրամի Իջևանի մասնաճյուղն իր ռազմավարությամբ և իր գործունեությամբ մշտապես կարևորել է մասնաճյուղում ուսումնական գործընթացների անխափան և հստակ կազմակերպումը, ուսումնառության գործընթացն ապահովել է անհրաժեշտ ռեսուրսներով և մշտապես բարելավել ու զարգացրել է դրանք, տրամադրել է բարձրակարգ կրթություն՝ այդ գործընթացում ներգրավելով Մայր բուհի և մասնաճյուղի լավագույն պրոֆեսորադասախոսական կազմը, ձգտել է բավարարել իր ներքին և արտաքին շահակիցների պահանջներն ու կարիքները, և ամենակարևորը, մասնաճյուղն իր գործունեությամբ և ձեռքբերումներով ձգտում է դառնալ առաջատար բարձրագույն ուսումնական հաստատություն ոչ՝ միայն տարածաշրջանում, այլ նաև Հայաստանում:


Մասնաճյուղի ուսանողակենտրոն գործունեությունն ու թափանցիկ կառավարումը հնարավորություն են տալիս և՛ ներքին, և՛ արտաքին շահակիցներին մշտապես իրազեկված և տեղակցված լինել բոլոր գործընթացներից, նաև դառնալ դրանց արդյունավետության գնահատման անմիջական մասնակիցներ և իրենց առաջարկներով աջակցել դրանց բարելավմանն ու զարգացմանը: Մասնաճյուղը պարբերաբար անդրադառնում է իր շահակիցների բարձրաձայնած խնդիրներին ու առաջարկներին՝ դրանց լուծման և իրականացման համար պլանավորելով իր հետագա գործունեությունը:

Նշեք, որ մասնաճյուղի մասնագիտական կրթության որակի ապահովման բաժինը յուրաքանչյուր ուսումնական տարվա ընթացքում տարբեր մեխանիզմներով և ուսումնասիրություններով վեր է հանում շահակիցների կարիքները և խնդիրները, հավաքագրում է նրանց առաջարկները, վերլուծում և տրամադրում համապատասխան ստորաբաժանումներին՝ համապատասխան լուծումներ առաջարկելու համար:

Հերթական ամենամյա ուսումնասիրությունն առցանց հարցման միջոցով իրականացվել է մասնաճյուղի 2020-21 ուստարվա շրջանավարտների շրջանում: Հարցման նպատակն էր պարզել շրջանավարտների բավարարվածությունը մասնաճյուղում ուսումնական գործընթացի կազմակերպումից և իրականացումից, պրակտիկաների կազմակերպումից, մատուցվող ծառայություններից և ռեսուրսներից, համալսարանական միջավայրից, գնահատման գործող համակարգից, գնահատման օբյեկտիվությունից և այլն:

Հարցումն իրականացվել է անանուն և առցանց, ամփոփիչ ատեստավորման քննությունից հետո, դրանով ապահովելով հարցման օբյեկտիվությունը և առավելագույն անկեղծությունը: Նշեք, որ ընդգծված տեսանելի խնդիրները հասցեային ունենալու համար շրջանավարտներից պահանջվել է նշել միայն կրթական ծրագիրը, որի շրջանավարտներն են իրենք:

2020-21 ուստարում մասնաճյուղն առկա ուսուցման 10 կրթական ծրագրերով տվել է 150 շրջանավարտ, որոնցից հարցմանը մասնակցել է **127-ը**, այսինքն շրջանավարտների **85%-ը**, որը առցանց հարցումների տեսանկյունից մասնակցության բավականին բարձր ցուցանիշ է:




Հարցմանը շրջանավարտների մասնակցության ցուցանիշներն ըստ կրթական ծրագրերի հետևյալն է.

Կրթական ծրագրի անունը	Շրջ. թիվը	Մասն.	%
Ինֆորմատիկա և կիրառական մաթեմատիկա (ԻԿՄ)	20	19	95.0%
Քարտեզագրություն և կադաստրային գործ (ՔԿԳ)	5	4	80.0%
Ֆինանսներ (ըստ ոլորտի) (Ֆինանս.)	17	17	100.0%
Զբոսաշրջություն (Զբոս.)	6	6	100.0%
Պատմություն (Պատմ.)	8	8	100.0%
Հայոց լեզու և գրականություն (ՀԼԳ)	10	9	90.0%
Տարրական մանկավարժություն և մեթոդիկա (ՏՄՄ)	41	32	78.0%
Անգլերեն լեզու և գրականություն (ԱԼԳ)	21	19	90.5%
Ֆրանսերեն լեզու և գրականություն (ՖԼԳ)	3	3	100.0%
Դիզայն	19	10	52.6%
Ընդամենը`	150	127	84.7%

Մասնակցության այս ցուցանիշները վկայում են, որ հացման արդյունքները, ամենայն հավանականությամբ, կարելի է համարել արժանահավատ, նպատակային, հետևաբար նկատվող խնդիրներն առարկայական և ուշադրության արժանի:

Հետաքրքիր գնահատական է իր մեջ պարունակում շրջանավարտների միջին որակական գնահատականի (ՄՈԳ-ի) վերաբերյալ ստացված ցուցանիշը, որը մասնաճյուղին՝ որպես կրթական հաստատություն, բնութագրում է լավ կողմերից, ցույց է տալիս կրթության բարձր մակարդակը, նաև տարածաշրջանում գիտելիքներով ու մասնագիտական բարձր կարողություններով նոր կադրերի պատրաստման մասին:




Ինչպես ցույց են տալիս արդյունքները մասնաճյուղի 2020-21 ուստարվա հարցմանը մասնակցած 127 շրջանավարտներից **35-ի** (28%-ի) ՄՈԳ-ը եղել է 18-20 միավոր, իսկ **70-ինը**՝ 13-17: Այսինքն, հարցմանը մասնակցած շրջանավարտների **83%-ը** սովորել է լավ և գերազանց գնահատականներով:

Այդ ցուցանիշի անուղղակի գնահատումն է նաև այն հանգամանքը, որ հարցմանը մասնակցած շրջանավարտների **54%-ը** (68 հոգի) պատրաստվում է շարունակել ուսումը մագիստրատուրայում, ինչը վկայում է մասնաճյուղում ստացած կրթության նկատմամբ վստահության և ավելին ձեռք բերելու ցանկության դրսևորման մասին:

Հարկ է նշել և փաստել, որ մասնաճյուղի ընթացիկ ուստարվա շրջանավարտների **36%-ին** արդեն հայտնի է, թե որտեղ է աշխատելու, իսկ հարցման մասնակիցների **20%-ը (25 հոգի)** արդեն աշխատում է: Այս ցուցանիշի մեջ առանձնահատուկ պետք է նշել «Ինֆորմատիկա և կիրառական մաթեմատիկա» կրթական ծրագրի շրջանավարտներին՝ նրանց **47%-ը** (19-ից 9-ը) արդեն աշխատում է և աշխատում է մասնագիտությամբ. նրանց մի մասն աշխատում է մարզի դպրոցների «ԱրՄաթ» ինժեներական լաբորատորիաներում որպես խմբակավարներ, մյուսներն աշխատում են Digital Wave ծրագրավորման կենտրոնում և Իջևան քաղաքում գործող ծրագրավորման կազմակերպություններում:



Առանձնացնենք նաև «Զբոսաշրջություն» կրթական ծրագրի շրջանավարտներին: Ծրագրի 6 շրջանավարտներից **4-ն արդեն աշխատում է**, և աշխատում է իր մասնագիտությամբ:



Այս արդյունքները վկայում են վերջին տարիներին մարզում ՏՏ և զբոսաշրջության ոլորտների պահանջվածության ու զարգացման մասին, նաև տարբեր կազմակերպությունների հետ մասնաճյուղի ակտիվ համագործակցության մասին: Օրինակ, ակտիվ պրակտիկաների շրջանակներում մեր շրջանավարտները հնարավորություն են ստանում դեռևս ուսումնառության ընթացքում կարգավորել իրենց ապագա կարիերայի հարցերը:

Այս արդյունքները փաստում են, որ մասնաճյուղի գործունեությունն առավելագույնս համապատասխանեցվում է աշխատաշուկայի պահանջարկին, և որ մեր շրջանավարտները պահանջված են աշխատաշուկայում:

Այժմ առանձին-առանձին դիտարկենք շրջանավարտների բավարարվածությունն ըստ առանձին ոլորտների:


1. Բավարարվածությունը կրթական ծրագրերի բովանդակությունից, ուսուցման մեթոդաբանությունից և ուսումնական գործընթացի կազմակերպումից

Նշենք, որ կրթական ծրագրերի բովանդակությունից, ուսուցման մեթոդաբանությունից և ուսումնական գործընթացի կազմակերպումից 2020-21 ուստարվա շրջանավարտների բավարարվածության գնահատականներն առանձնապես բարձր չեն, ընդ որում դրանք ցածր են նաև նախորդ ուստարիների համապատասխան գնահատականներից: Հակված ենք մտածելու, որ այս գնահատականների մեջ ավելի շատ արտահայտված են առցանց կրթության անհարմարություններով պայմանավորված կարծիքները: Չնայած պետք է նշել, որ մասնաճյուղի և համապատասխան բաժինների ջանքերի շնորհիվ առցանց ուսումնառությունը մասնաճյուղում կազմակերպվել է հստակ, անխափան և սահուն: Մասնաճյուղը կարողացել է կարճ ժամանակում բարելավել իր ռեսուրսները, դրանք մատչելի և հասանելի դարձնել թե՛ ուսանողների, և թե՛ դասախոսների համար, ապահովել ինտերնետի անխափան աշխատանքը, իսկ ամենակարևորը կազմակերպել Zoom հարթակներ՝ դասընթացների իրականացման համար և այլն:


Արդյունքները ցույց են տալիս, որ մեր շրջանավարտները, ինչպես նախկինում, այս անգամ նույնպես բարձր են գնահատել մասնաճյուղում ստացած իրենց գիտելիքները (միջին միավորը **4.1**



միավոր), և հարկ է նշել, որ արդյունքի համեմատաբար ցածր լինելու վրա իրենց ընդգծված ազդեցությունն են ունեցել «Ինֆորմատիկա և կիրառական մաթեմատիկա» և «Տարրական մանկավարժություն և մեթոդիկա» կրթական ծրագրերի շրջանավարտների տված ցածր գնահատականները (համապատասխանաբար՝ **3.7** և **3.6** միջին գնահատական): Ներքևում բերված դիագրամի արդյունքներից երևում է, որ մնացած կրթական ծրագրերի շրջանավարտները հիմնականում բավարարված են մասնաձյուղում ստացած իրենց գիտելիքներից (**4.5-5** միջին միավոր): Լրացման կարգով նշեք, որ այլ ուսումնասիրությունների շրջանակներում մեր ուսանողները միշտ փաստել են, որ օրինակ, իրենց տեսական գիտելիքները բավարարում են պրակտիկաների անցկացման ժամանակ:



Այսքանը նշելուց հետո, իհարկե նույնը չենք կարող ասել ձեռք բերած մասնագիտական կարողությունների և գործնական հմտությունների, ինչպես նաև օտար լեզուների իմացության մակարդակի մասին, որոնց միջին գնահատականը 4-ից փոքր է:




Այստեղ մասնաձյուղն ուշադրության արժանի և համապատասխան լուծումներ պահանջող **խնդիրներ ունի**, որոնք մշտապես կան ու չնայած գործադրվող ջանքերին (այդ թվում գործնական դասաժամերի ավելացում, պրակտիկաների ճիշտ վայրերի ընտրություն ու կազմակերպում և այլն) առանձնապես բարելավել դեռ չի հաջողվում: Ուղղակի պետք է նշել, որ այդ խնդիրներն առավել ընդգծված առկա են մի քանի կրթական ծրագրերում, որտեղ գործնական և կիրառական մասերը շատ են («Ինֆորմատիկա և կիրառական մաթեմատիկա», «Քարտեզագրություն և կադաստրային գործ», «Ֆինանսներ (ըստ ոլորտի)», «Տարրական մանկավարժություն և մեթոդիկա») և հավանաբար




պահանջվում են յուրահատուկ մոտեցումներ. գործնական և պրակտիկ դասընթացների կազմակերպման նոր մոտեցումներ, նոր լաբորատորիաների ստեղծում, ուսանողների ինքնուրույնության և գործնական կարողությունների զարգացում և այլն:

Թե՛ հարցման, և թե՛ խմբային տարբեր քննարկումների արդյունքում ֆիքսել ենք, որ մեր ուսանողները, այդ թվում նաև շրջանավարտները, բավարարված չեն օտար լեզուների իմացության մակարդակից և գտնում են, որ բուհն առանձնապես չի նպաստում օտար լեզուների իմացության մակարդակի բարձրացմանը: Կարող ենք փաստել, որ մասնաճյուղն այս ուղղությամբ որոշ քայլեր է կատարել, մասնավորապես որոշ կրթական ծրագրերի ուսումնական պլաններում ավելացվել են մասնագիտական օտար լեզվի (հիմնականում անգլերեն լեզվի) ժամաքանակները: Այդ խնդիրը մասնագիտության բնույթից կախված հիմնականում առկա է և արդիական «Ինֆորմատիկա և կիրառական մաթեմատիկա» (միջին գնահատականը 3.4), «Ֆինանսներ(ըստ ոլորտի)» (միջին գնահատականը 3.6) կրթական ծրագրերի ուսանողների համար:

Ուսումնական պլանների արդյունավետությունը գնահատելու տեսանկյունից հարցման շրջանակներում փորձել ենք պարզել, թե շրջանավարտներն ինչ չափով են օգտակար համարում մատուցված դասընթացները և պրակտիկաները: Նշենք, որ շրջանավարտների միջին գնահատականները մասնաճյուղի համար կազմել են համապատասխանաբար **4.1 և 4.2** միավոր, որոնք ըստ էության վատ գնահատականներ չեն, եթե հաշվի առնենք, որ 10-ից 7 կրթական ծրագրերի համար այդ գնահատականները բարձր են 4.2-ից, իսկ արդյունքի վրա ազդել են «Ինֆորմատիկա և կիրառական մաթեմատիկա» (համապատասխանաբար՝ 3.7, 3.5), «Անգլերեն լեզու և գրականություն» (3.8), «Ֆինանսներ(ըստ ոլորտի)» (3.9) կրթական ծրագրերի շրջանավարտների տված ցածր գնահատականները:




Ուղղակի պետք է նշել, որ մասնաճյուղը տարբեր համագործակցային ծրագրերի շրջանակներում փորձում է բարելավել պրակտիկաների թե՛ մասնագիտական, թե՛ գործնական, և թե՛ բովանդակային մակարդակը, չնայած պետք է նշել որ այդ գործընթացի արդյունավետ իրականացման վրա իր բացասական ազդեցությունն ունեցավ համավարակը: Այնուամենայնիվ, «Ինֆորմատիկա և կիրառական մաթեմատիկա» և «Ֆինանսներ» մասնագիտության ուսանողները վերջին տարիներին անցնում են նպատակային և խիստ մասնագիտական պրակտիկաներ:



2. Բավարարվածությունը մասնաձյուղում ուսանողների գնահատումից


ՄԿՈԱ բաժինն իր հարցումների և հանդիպում-քննարկումների ժամանակ առանձնահատուկ ուշադրություն է դարձնում մասնաձյուղում ուսանողների գնահատման գործընթացի օբյեկտիվությանը, թափանցիկությանը, արդյունքների արժանահավատությանը: Այդ ուսումնասիրություններով բաժինը նպատակ ունի բացահայտել գնահատման հետ կապված խնդիրները, հավաքագրել ուսանողների ձեռքբերումների գնահատման լավ փորձը՝ տարածման նպատակով: Նշենք, որ մասնաձյուղի ղեկավարությունը և բաժինը պլանավորում են դասախոսական կազմի քննարկմանը ներկայացնել կրթական վերջնարդյունքների վրա հիմնված գնահատման ժամանակակից և փորձված գործիքներ: Բաժինն արդեն մշակել է մի քանի ուղեցույցներ, որոնք խմբագրման փուլում են և կներակայացվեն դասախոսների քննարկմանը: Ճիշտ կիրառվող գործիքները և հստակ մշակված գնահատման չափանիշները դասախոսին հնարավորություն կտան բացահայտել ուսանողի գիտելիքները և կարողությունները և ապահովել առավելագույն օբյեկտիվություն և թափանցիկություն: Օբյեկտիվ և թափանցիկ գնահատումը դժվար և խիստ կարևոր, ուսանողին մոտիվացնող և աջակցող, նրա մեջ հավատ ու վստահություն ներշնչող գործընթաց է, և այստեղ պետք է հնարավորինս բացառել սուբյեկտիվ գործոնը, ինչի առկայության մասին սովորաբար գրում են մեր ուսանողները **(հատուկ վերաբերմունք անվճար սովորող ուսանողների նկատմամբ):**

Այս հարցման արդյունքները գնահատման օբյեկտիվության և թափանցիկության վերաբերյալ մտահոգիչ են և նաև ցածր նախորդ տարիների արդյունքներից: Չնայած մասնաձյուղում գնահատման գործընթացի նկատմամբ մշտական հետևողականությանն ու ջանքերին, որոշ կրթական ծրագրերի շրջանավարտներ, այնուամենայնիվ, բավարարված չեն և նրանց տված գնահատականները չեն գերազանցում **3.5** միջին միավորը (օրինակ, «Տարրական մանկավարժություն և մեթոդիկա»՝ համապատասխանաբար 3.3 և 3.4, «Անգլերեն լեզու և գրականություն»՝ 3.5 և 3.4): Այս ցածր արդյունքներն, իհարկե, իրենց ազդեցությունն են ունեցել մասնաձյուղի ընդհանուր միջին միավորների վրա՝ **3.9 միավոր:**



Առանձնահատուկ նշենք, որ օբյեկտիվությունից և թափանցիկությունից բավարարվածության ամենաբարձր գնահատակ տվել են «Զբոսաշրջություն» կրթական ծրագրի շրջանավարտները՝ **4.8** միջին միավոր:

Շրջանավարտների արտահայտած կարծիքները, գտնում ենք, որ ուշադրության են արժանի և առաջարկում ենք ամբիոններում **քննարկել գնահատման հետ կապված խնդիրները**, կազմակերպել հանդիպումներ ուսանողների հետ՝ նրանցից լսել ակնհայտ խնդիրները, հասկանալ, թե կոնկրետ




որտե՞ղ և ինչպիսի՞ իրավիճակներում են տեսնում ոչ օբյեկտիվություն, ո՞ր իրավիճակներն են համարում ոչ թափանցիկ, և արդյո՞ք այդ խնդիրներն առկա են բոլոր դասախոսների մոտ, թե պայմանավորված է կոնկրետ անհատներով, թե՞ խնդիրը գնահատման չափանիշների ոչ հստակ սահմանման և ներկայացման մեջ է և այլն:

Բոլորիս է հասկանալի, որ գնահատման գործընթացում առկա ցանկացած անհասկանալի իրավիճակ կարող է բացասական ազդեցություն ունենալ ուսանողի մոտիվացիայի և կրթության մեջ նրա ներգրավվածության վրա:


3. Բավարարվածությունը ավարտական աշխատանքների կազմակերպումից և գնահատումից

Ամփոփիչ ատեստավորման քննությունների օբյեկտիվության վերաբերյալ շրջանավարտների գնահատականները բոլոր տարիների համար միշտ եղել են բարձր (4.4, 4.5): Այս ուսումնական տարում նույնպես պահպանվել է դրական կարծիքը և միջին միավորը եղել է **4.3**: Նշենք, որ 10 կրթական ծրագրերից 7-ում միջին միավորներն ընկած են 4.4-ից 4.8 միջակայքում («Տարրական մանկավարժություն և մեթոդիկա»՝ 3.9), ինչը բավականին բարձր արդյունք է և ներկայացնում է շրջանավարտների բավարարվածությունն ամփոփիչ ատեստավորման օբյեկտիվությունից, հանձնաժողովների աշխատանքից, ընդ որում հարցին պատասխանած 124 շրջանավարտներից **56-ը (48%-ը)** իր բավարարվածությունն արտահայտել է 5 գնահատականը նշելով:




Արդյունքները փաստում են, որ մասնաճյուղում ամփոփիչ ատեստավորման հանձնաժողովներն աշխատել են արդյունավետ, պատասխանատվությամբ են կատարել իրենց աշխատանքը, նպաստել են շրջանավարտների ինքնադրսևորմանը, կարողացել են կարճ ժամանակում բացահայտել շրջանավարտի ձեռքբերումները և գնահատման մեջ լինել օբյեկտիվ՝ պահպանելով ավարտական աշխատանքների գնահատման չափանիշները:

Բոլոր կրթական ծրագրերի ղեկավարների, ամբիոնների վարիչների և դասախոսների ուշադրությունը հրավիրում ենք այն հանգամանքի վրա, որ եթե կան ամփոփիչ ատեստավորումից չբավարարված շրջանավարտներ, ապա պետք է գտնել նման գնահատման դրդող խնդիրները, հասկանալ պատճառները, հետազայում աշխատել ապագա շրջանավարտների հետ, նրանց ներկայացնել ավարտական աշխատանքների գնահատման կարգն ու չափանիշները: Նման հարցերում իրազեկված ուսանողը կկարողանա օբյեկտիվ գնահատել ինքն իրեն և վստահել հանձնաժողովին:



Ամփոփիչ ատեստավորման արդյունավետ կազմակերպման գործում իրենց անմիջական ներդրումն ունեն **ավարտական աշխատանքների ղեկավարները**, որոնց աջակցությամբ ուսանողները պատրաստում են իրենց ավարտական աշխատանքները, հավաքագրում են տվյալներ, կատարում են վերլուծություններ, ընտրում են հետազոտման մեթոդներ, ամփոփում են իրենց կատարած աշխատանքը և պատշաճ ու կազմակերպված ներկայանում պաշտպանության: Նշենք, որ շրջանավարտների պատրաստվածության և աշխատանքների գրագետ և բարձր մակարդակով ներկայացման վերաբերյալ իրենց դրական կարծիքներն են արտահայտել ամփոփիչ ատեստավորման բոլոր հանձնաժողովների նախագահները:

Շրջանավարտներն իրենց գոհունակությունը ղեկավարների աջակցությունից և աշխատանքից արտահայտել են բարձր գնահատականներով՝ միջին միավորը **4.7**, այստեղ համեմատաբար ցածր են գնահատել «Ֆինանսներ» և «Ֆրանսերեն լեզու և գրականություն» կրթական ծրագրերի շրջանավարտները՝ **4.3** միջին միավոր, իսկ առանձնահատուկ պետք է նշել «Զբոսաշրջություն» և «Հայոց լեզու և գրականություն» կրթական ծրագրերի շրջանավարտներին, որոնք իրենց ղեկավարների աշխատանքը գնահատել են **5** (հույս ունենք, որ ղեկավարների աշխատանքին տված այս գնահատականները չեն նշանակում, որ ղեկավարը աշխատել է ուսանողի փոխարեն):





Փորձի փոխանակման շրջանակներում, հավանաբար, կարելի է կազմակերպել ամբիոնների միջև հանդիպում-քննարկումներ, առանձնացնել ղեկավարման հետ կապված խնդիրները, նշել ուսանողների հետ ճիշտ և նրանց ինքնագարգացմանը նպաստող մոտեցումները, և այլն:

4. Բավարարվածությունը ուսումնական ռեսուրսներից և համալսարանական միջավայրից

Ուսումնական գործընթացի արդյունավետ կազմակերպմանը նպաստում են տրամադրվող ուսումնական ռեսուրսները: Մասնաճյուղը պարբերաբար բարելավում է իր լսարանային ֆոնդը, թարմացնում դրանց կահավորանքը, ակտիվացնում է համակարգչային սրահների գործունեությունը՝ նրանց համար ապահովելով անխափան ինտերնետ կապ, համալրում է գրադարանային ֆոնդը և այլն:

Նշենք, որ հարցմամբ ստացված արդյունքներն ընդհանուր առմամբ բարձր չեն, ուղղակի բավարար են:



Սակայն դրանցից մի քանիսի արդյունքներն, ըստ մեզ, անհասկանալի ցածր են: Խոսքը վերաբերում է համակարգչային սրահների և համացանցի մատչելիությանը (համապատասխանաբար **4.1** և **4.0**), այն դեպքում երբ մասնաճյուղի բոլոր ֆակուլտետներում գործում են ժամանակակից համակարգիչներով և անհրաժեշտ այլ տեխնիկական սարքերով համալրված համակարգչային սրահներ՝ ապահովված անվճար ինտերնետ կապով: Ընդ որում, զարմանալի է բնական գիտությունների ֆակուլտետի ուսանողների անբավարարվածությունը, երբ այնտեղ գործում են 2 տեխնիկապես հագեցած և կահավորված համակարգչային սրահներ: Հասկանալի չէ շրջանավարտների դժգոհությունը լսարանների կահավորանքից: Հարց է առաջանում, իսկ ի՞նչ կահավորանք պետք է ունենա լսարանը, որը չկա, կամ եթե լսարանի կահավորման հետ խնդիր կա, ապա ուսանողներն այդ մասին արդյո՞ք տեղեկացրել են ֆակուլտետի ղեկավարությանը և այլն:


Անակնկալ չէր, որ շրջանավարտները բավարարված չեն եղել գրադարանում ժամանակակից մասնագիտական գրականության առկայությունից: Մասնաճյուղը պարբերաբար ավելացնում է մասնագիտական գրականության քանակը, դրանց պակասությունը լրացվում է էլեկտրոնային գրադարանի ռեսուրսներով, սակայն խնդիրն առավելապես լուծել դեռևս չի ստացվում:

Ուշադրության է արժանի «Տարրական մանկավարժություն և մեթոդիկա» կրթական ծրագրի շրջանավարտների ընդգծված անբավարարվածությունը բոլոր տրամադրվող ռեսուրսներից (միջին միավորը **3.3-3.7**), և «Զբոսաշրջություն» կրթական ծրագրի շրջանավարտների լրիվ բավարարվածությունը տրամադրվող ռեսուրսներից (միջին միավորը **4.8-5.0**):

Այս արդյունքները վկայում են, որ մեր բաժինը և ֆակուլտետներն առանձին ուսումնասիրություն պետք է կատարեն պարզելու համար լսարաններից, համակարգչային սրահներից, համացանցի աշխատանքից մեր ուսանողների դժգոհության պատճառները:



Համեմատաբար բարձր են մատուցվող ծառայությունների համար շրջանավարտների տված գնահատականները: Շրջանավարտներն իրենց ուսումնառության ընթացքում դիմել են



մասնաճյուղի և ֆակուլտետի ղեկավարությանը, մշտապես աշխատել են պրոֆեսորադասախոսական կազմի հետ և համագործակցել են ուսանողական կառույցների հետ: Ընդհանուր առմամբ նրանք բավարարված են համալսարանական միջավայրից:


Տարբեր ուսումնասիրություններում ուսանողներն արտահայտել են իրենց գոհունակությունը դասախոսական կազմի վերաբերյալ, և փաստել, որ մասնաճյուղում դասավանդում են բարձրորակ և սրտացավ դասախոսներ:


5. Շրջանավարտների կարծիքը կոռուպցիոն դրսևորումների վերաբերյալ

Թվում է, թե մասնաճյուղում կոռուպցիոն երևույթների առկայության մասին հարցը վաղուց արդեն տեղին չէ և անիմաստ է, սակայն այնուամենայնիվ ներգրավված է հարցման մեջ: Եվ ամեն անգամ վստահաբար մտածում ենք, որ մասնաճյուղը հաղթել է այդ վտանգավոր երևույթին:

Հարցը ներառվել է պարզելու համար, թե մասնաճյուղում արդյոք կոռուպցիոն երևույթներ կան, թե ոչ, իսկ ավելի տարողունակ է այն խնդիրը, որը կապված է վճարովի մասնավոր պարապմունքների առկայության փաստի հետ:

Թեկուզ քիչ, բայց հարցման արդյունքներով պարզ դարձավ, որ մասնաճյուղում դեռևս նման երևույթներ կան: Հարցմանը մասնակցած 124 շրջանավարտներից 3-ը նշել է, որ վճարել մասնավոր պարապմունքների համար գնահատական (ստուգարք) ստանալու նպատակով, իսկ 12-ը նշել է, որ ականատես է եղել նման երևույթի:






Վերջին ցուցանիշն իր մեջ խորը խնդիր է պարունակում, որը նույնպես լրացուցիչ ուսումնասիրության կարիք ունի: Պետք է հասկանալ, թե խնդիրը արդյո՞ք ուսանողի մեջ է, այսինքն, նա դժվարանում է և կարիք ունի այդ բացը լրացուցիչ պարապմունքով լրացնելու, թե՞ խնդիրը դասընթացի բարդության, անմատչելիության կամ դասախոսի անձի մեջ է, և ինչու՞ ուսանողները չեն օգտնվում ամբիոնների կողմից իրականացվող լրացուցիչ խորհրդատվական պարապմունքներից:


6. Բավարարվածությունը ԵՊՀ ԻՄ-ում ստացած կրթությունից

Վերջին երկու հարցերն ամփոփում և ամբողջական ներկայացնում են շրջանավարտների բավարարվածությունը մասնաճյուղում ստացած կրթությունից: Այդ երկու հարցերից ստացված արդյունքներն ըստ էության հանդիսանում են շատ խնդիրների լուծման բանալիներ, ընդհանրացնում են բոլոր խնդիրները մեկ ընդհանուր գաղափարի մեջ և ուղորդում են պատասխանատու և շահագրգիռ կողմերին ևս մեկ անգամ գնահատել անցած ճանապարհն ու ձեռքբերումները և շարունակել ճիշտ ընտրված և նվիրական աշխատանքը. կրթել մարզի երիտասարդությանը, դառնալ նրանց ապագայի երաշխիքը և մշտապես բարելավել կրթության որակը, դաստիարակել և պատրաստել ունակ և հայրենասեր երիտասարդներ և այլն:

Շարունակելով այս միտքը նշենք, որ մասնաճյուղի հերթական ուստարվա շրջանավարտներն ընդհանուր առմամբ բավարարված են մասնաճյուղում ստացած իրենց կրթությունից և այն գնահատել են բավականին բարձր. 10 կրթական ծրագրից 3-ի շրջանավարտներն իրենց բավարարվածությունն արտահայտել են միջինը **4.6, 4.8 և 5.0** միավորներով («Պատմություն», «Զբոսաշրջություն», «Քարտեզագրություն և կադաստրային գործ»), 5 կրթական ծրագրերում միջին միավորները եղել են **4.0-ից 4.3** միջակայքում, իսկ ահա «Ինֆորմատիկա և կիրառական մաթեմատիկա» և «Անգլերեն լեզու և գրականություն» կրթական ծրագրերի շրջանավարտներն այնքան էլ բավարարվախ չեն իրենց ստացած կրթությունից՝ միջին միավորը **3.7 և 3.9**:




Համապատասխան ամբիոններին և կրթական ծրագրերի ղեկավարներին առաջարկում ենք **ուշադրություն դարձնել** այս արդյունքներին: Մասնավորապես, մարզի դիմորդների կողմից պահանջված այդ երկու կրթական ծրագրերի ուսանողների շրջանում պետք է անցկացնել հանդիպում-քննարկումներ, նրանց հետ պարզաբանել կրթության որակի, ուսումնական



պլանների, դասավանդող դասախոսական կազմի հետ հնարավոր խնդիրները, լսել նրանց առաջարկները, գտնել լուծումներ, բարձրացնել նրանց վստահությունը մասնաճյուղի նկատմամբ:

Վերջում նշենք, որ մեր շրջանավարտներն այնուամենայնիվ բավարարված են մասնաճյուղում ստացած իրենց կրթությունից և նրանց գերակշիռ մասը՝ **77%-ը** (125-ից 96-ը) խորհուրդ կտա իրենց մերձավորներին և ընկերներին բարձրագույն կրթություն ստանալ ԵՊՀ Իջևանի մասնաճյուղում:



Այստեղ, նորից, ուշադրության է արժանի «Ինֆորմատիկա և կիրառական մաթեմատիկա» կրթական ծրագրի շրջանավարտների վերջնական որոշումը. այնուամենայնիվ, նրանց **84%-ը** (19 շրջանավարտից 16-ը) կարևորում է մասնաճյուղը և խորհուրդ են տալիս դիմել մասնաճյուղ:

Ամփոփելով նշենք, որ մենք հանկված ենք մտածելու, որ մեր շրջանավարտներն ակեղծ են եղել իրենց իրենց պատասխաններում: Իսկ մասնաճյուղի ուսումնական գործընթացը կազմակերպող և իրականացնող բոլոր օղակներին առաջարկում ենք քննարկել այս գնահատականները, համագործակցել մասնագիտական կրթության որակի ապահովման բաժնի և կրթական բարեփոխումների և դասախոսների վերապատրաստման բաժնի հետ կրթության որակի հետ կապված խնդիրները բացահայտելու, քննելու և լուծման կամ բարելավման ուղիներ գտնելու համար:

Գտնում ենք, որ շրջանավարտներն իրենց պատասխաններով արտահայտել են իրենց սրտացավությունն ու աջակցությունը սիրելի կրթօջախին:

Նշենք, որ մասնագիտական կրթության որակի ապահովման բաժինը պատրաստել է կրթության բարելավմանն ուղղված մի շարք առաջարկներ, որոնք կներկայացվեն ամբիոններ՝ քննարկման համար:

Մասնագիտական կրթության որակի ապահովման բաժին